

廣文書局印行

史料
七編
兩漢志沿邊十郡考略
兩漢幽并涼三州今地考略

幽并涼三州今地考略

五台徐繼畲著

受業高上理

侄孫寶璣
侄曾孫培桐

全校

漢樂浪郡

屬幽州武帝元封三年開有雲郭應劭曰故朝鮮國也師古曰樂音洛浪音狼前漢二十五縣後漢十八縣省八縣增樂都○今盛京之東南境吉林之西南境

朝鮮

郡治應劭曰武王封箕子於朝鮮

詡邯

孟康曰詡音男師古曰詡音乃甘反邯音酣

涓水

水西至增地入海師古曰涓音普大反

含資

帶水西至帶方入海後漢作貪資

黏蟬

服虔曰蟬音提後漢作占蟬

遂成

後漢志作遂城

增地

帶方

駟望

海冥

列口

後漢郡國志注郭僕注山海經曰列水名列水在遼東

長岑

屯有

昭明

南部都尉治

鏤方

提奚

渾彌

師古曰渾音下昆反

吞列

分黎山列水所出西至黏蟬入海行八百二十里後漢省

東曉

應劭曰曉音移後漢省

不而

東部都尉治後漢省

蠶台

師古曰台音胎後漢省

華麗

後漢省

邪頭昧

孟康曰昧音妹後漢省

前莫

後漢省

夫租

後漢省

案朝鮮爲箕子所封國。戰國時燕人衛滿據其地。漢武帝滅朝鮮。分爲樂浪元菟眞番臨屯四郡。昭帝省眞番臨屯。并入樂浪。元菟爲二郡。樂浪一郡在極東。揆其地勢。大約在今盛京奉天府之東南境。及吉林之西南境。乃我

朝興基發祥之地。漢時各縣。歷年久遠。莫能指其方望。卽漢志沮水帶水列水。古今異名。亦莫能定爲今何水。故一統志不能詳也。至吉林之東北境。古肅慎氏地。在漢時爲挹婁國。今之

朝鮮國在鴨綠圖們兩江之南。地形南伸入海。乃漢時三韓地。皆不在樂浪境內。

漢元菟郡

屬幽州武帝元封四年開應劭曰故真番朝鮮地前漢三縣後漢六縣其高顯候城遼陽三縣故屬遼東安帝時改屬元菟○今盛京奉天府自海城縣以東以南各廳縣城成皆漢元菟郡地

高句驪

郡治遼山遼水所出西南至遼隊入大遼水又有南蘇水西北經塞外應劭曰故句驪國

上殷台

如淳曰台音貽師古曰音胎

西蓋馬

馬營水西北入鹽難水西南至西安平入海過郡二行二千一百里○今盛京奉天府之蓋平縣

案元菟郡在樂浪郡之西南。正地形西南入海之處。今盛

京奉天府南境之海城縣。蓋平縣。復州。甯海縣。鳳凰城。岫巖

城。熊岳。旅順。皆元菟郡地。然方望可指者。止西蓋馬一縣耳。

漢遼東郡

屬幽州秦置前漢十八縣後漢十一縣省遼隊以高顯候城遼陽三縣改屬元菟以無慮險濱房三縣隸遼東屬國○今盛京奉天府之遼陽州錦州府之東境北境跨遼外之楊槐木牧廠內蒙古東四盟之科爾沁札魯特兩部地

郡治有牧師官○今 盛京奉天府遼陽州治

襄平

新昌

西部都尉治應劭曰慮音閭師古曰即醫巫閭後漢隸遼東屬國○今 盛京錦州之廣
甯縣兼義州地

無慮

大遼水出塞外南至安市入海行千二百五十里○今 盛京錦州府廣甯縣地

望平

後漢隸遼東屬國○今 盛京錦州府廣甯縣地

房

中部都尉治後漢改屬元菟

候城

師古曰隄音遂後漢省

遼隊

大梁水西南至遼陽入遼後漢改屬元菟○今 盛京奉天府遼陽州地

遼陽

應劭曰朝鮮王滿都也臣瓚曰王險城在樂浪郡浪水之東此自是險瀆也師古曰瓚說
是也後漢隸遼東屬國○今 盛京錦州府廣甯縣地

險瀆

室僞山室僞水所出北至襄平入梁也後漢省○今 盛京奉天府遼陽州地

居就

後漢改屬元菟

高顯

武次

東部都尉治後漢省

平郭

有鐵官鹽官

西安平

文

後漢志作汶

番汗

沛水出塞外西南入海應劭曰汗水出塞外西南入海番音盤師古曰沛音普蓋反汗音寒

沓氏

應劭曰氏水也音長答反師古曰凡言氏者皆謂因之而立名

案漢遼東郡在遼西之東樂浪之西元菟之北在今盛京境內方望可考者七縣餘十一縣無考候城高顯二縣後漢改屬元菟當在遼陽州左近其餘大約皆在柳條邊外今盛京奉天府之承德縣舊名瀋陽漢時爲挹婁國地迤北之鐵嶺亦挹婁地東北之開原扶餘國地皆非遼東境也以瀋陽鐵嶺爲挹婁地一統志之說如此案後漢書郡國志挹婁

在夫餘東北千餘里當是今吉林北境瀋陽鐵嶺當是夫餘地或高句驪地不應是挹婁地也

漢遼西郡

屬幽州秦置有小水四十八并行三千四十六里前漢十四縣後漢五縣以昌遼賓徒徒河三縣改屬遼東屬國昌遼注故天遼前漢地理志遼西郡無此縣名未知何縣所改賓徒前漢作賓從○今盛京錦州府之西境直隸永平府之東境北跨長城外承德府之東境內蒙古東四盟土默特喀喇沁二部地

且慮

郡治有高廟師古曰且音子余反慮音慮後漢省

海陽

龍鮮水東入封大水封大水緩慮水皆南入海有鹽官○今永平府灤州地

新安平

東水東入塞外後漢省○今永平府灤州地

柳城

馬首山在西南參柳水北入海西部都尉治後漢省○今內蒙古土默特右翼西一百里大凌河之側即前燕之龍城縣在熱河之東

令支

有孤竹城應劭曰故伯夷國令音鈴孟康曰支音祇師古曰令又音郎定反○今永平府遷安縣

肥如

元水東入濡水濡水南入海陽又有慮水南入元應劭曰肥子奔燕燕封於此也師古曰濡音乃官反○今永平府盧龍縣

賓從

後漢志作賓徒改屬遼東屬國

交黎

渝水首受塞外南入海東部都尉治應劭曰今昌黎師古曰渝音喻下同後漢省○按一統志以今永平府之昌黎爲漢交黎縣漢交黎縣當亦在附近

陽樂

後漢郡治○今永平府撫甯縣

狐蘇

唐就水至徒河入海後漢省

徒河

後漢改屬遼東屬國○今盛京錦州府之錦縣兼甯遠州地

文成

後漢省

臨渝

渝水首受白狼東入塞外又有侯水北入渝○當即今直隸永平府之臨榆縣渝易爲榆後代傳寫之訛也

紮

下官水南入海又有揭石水實水皆南入官師古曰紮音力追反後漢省○今直隸永平府昌黎縣

案遼西郡前漢各縣方望可考者今盛京錦州府之西境

山海關內永平一府隸遼西者十之九惟灤州之西境雜有

右北平地前漢十四縣中且慮賓從文成三縣無考大約在

今熱河左近土默特喀喇沁兩部界中

漢右北平郡

屬幽州秦置前漢十六縣後漢四縣省十二縣○今直隸永平府西境遼化州一屬兼順天府東路廳之薊州

平剛

郡治後漢省

無終

故無終子國漢水西至雍奴入海過郡二行六百五十里師古曰漢音庚即下文所云入庚者同一水也○今順天府東路廣屬之薊州兼直隸遵化州之玉田縣地

石成

後漢省

廷陵

後漢省

俊靡

漢水南至無終東入庚師古曰漢音力水反又音郎賄反○今遵化州地

蕢

都尉治師古曰音才私反後漢省

徐無

今遵化州地

字

榆水出東後漢省

土垠

師古曰垠音銀後漢郡治○今遵化州之豐潤縣

白狼

師古曰有白狼山因以名縣後漢省

夕陽

有鐵官後漢省○今永平府灤州地

昌城

後漢省○今永平府灤州地

驪成

大揭石山在縣西南後漢省○今永平府樂亭縣

廣成

後漢省

聚陽

後漢省

平明

後漢省

案右北平。前漢十六縣。今內地地方望可指者七縣。餘九縣皆無考。疑當時北境。當跨出今承德府之平泉州灤平縣一帶。纂一統志時。熱河僅設承德州。未升爲府。所屬各州縣尙未設。故無考耳。

漢漁陽郡

屬幽州秦置前漢十二縣後漢九縣省三縣○今順天府東路北路二廳所屬各州縣

漁陽

郡治沽水出塞外東南至泉州入海行七百五十里有鐵官○今順天府北路之密雲縣兼懷柔縣地

狐奴

今順天府北路之順義縣地

路

後漢志作潞○今順天府東路之通州兼三河縣地

雍奴

今順天府東路之武清縣兼香河三河寶坻胥河四縣地

泉州

有鹽官○今順天府東路之武清寶坻二縣地

平谷

今順天府北路之平谷縣

安樂

今順天府北路之順義縣地

庠奚

孟康曰庠音題字或作蹄○今順天府北路之密雲縣地

獮平

服虔曰獮音鞏師古曰音九永反又音穰○今順天府北路之密雲縣地

要陽

都尉治師古曰要音一妙反後漢省

白檀

洹水出北蠻夷師古曰洹音呼賜反後漢省

滑鹽

後漢省

案漢漁陽郡在今順天府東路北路兩廳者九縣。惟後漢所省之要陽白檀滑鹽三縣無考。大約當在邊牆外承德府屬之豐甯縣一帶。蓋兩漢沿邊各郡皆跨邊外地也。

漢廣陽國

屬幽州高帝置燕國昭帝改爲廣陽郡宣帝又更爲國後漢初併入上谷永元間又復爲郡前漢四縣後漢五縣省方城陰鄉以上谷之昌平軍都勃海之安次改屬廣

陽郡○今順天府東路西路南路三廳所屬大興宛平良鄉固安四縣地

薊

故燕國召公所封○今順天府東西二路兼屬之大興縣

方城

後漢省○今順天府南路之固安縣

廣陽

今順天府西路之良鄉縣

陰鄉

後漢省○今順天府西路之宛平縣

案漢廣陽國今爲神京重地。漢時止四縣。七國旣平之後。七國封域。制皆不過數縣也。迨後漢復爲郡。嫌其太狹。故割他郡三縣以益之。

漢上谷郡

屬幽州。秦置前漢十五縣。後漢八縣。省五縣。以軍部昌平改屬廣陽。○今順天府之昌平州直隸宣化府之六縣三州在邊外者爲獨石口外上驕院之御馬廠張家口外太僕寺左翼牧廠察哈爾之鑲黃旗正白旗鑲白旗其北境抵內蒙古東四盟之阿巴哈納爾阿巴噶蘇尼特三部地

沮陽

郡治孟康曰沮音組○今宣化府懷來縣

泉上

後漢省

潘

師古曰音普半反○今宣化府保安州地

軍都

溫餘水東至路南入洛後漢屬廣陽○今順天府北路昌平州地

居庸

有關○今宣化府延慶州地

碓磬

孟康曰音句無師古曰碓音工豆反磬音莫豆反○今宣化府蔚州地

夷輿

後漢省○今宣化府延慶州地

甯

西部都尉治○今宣化府宣化縣地

昌平

後漢屬廣陽○今順天府北路之昌平州

廣甯

今宣化府宣化萬全二縣地

涿鹿

應劭曰黃帝與蚩尤戰於涿鹿之野○今宣化府保安州地

且居

樂陽水出東東入海後漢省

茹

後漢省

女祁

東部都尉治後漢省○今宣化府龍門縣

下落

今宣化府懷來縣保安州地

案一統志。漢上谷郡北境。在邊外游牧地者甚遠。今內地可考者十二縣。惟泉上且居茹三縣無考。或當在口外牧廠察哈爾地。然境土跨連口外者。亦必不止三縣也。

漢代郡

屬幽州秦置有五原關常山關前漢十八縣後漢十一縣省六縣以肅城改屬雁門○今直隸宣化府蔚州之西南境山西大同府之東境兼直隸之易州境山西之代州境北境跨張家口外正黃等四旗牧廠禮部牧廠察哈爾之正黃旗內蒙古東西盟之蘇尼特部

桑乾

郡治孟康曰乾音干○今宣化府蔚州及西甯縣地

道人

師古曰有仙人遊其地因以爲名

當城

關翹曰當桓都城故曰當城○今宣化府蔚州地

高柳

西部都尉治後漢郡治

馬城

東部都尉治

班氏

秦地圖書班氏○今大同府大同縣地

延陵

後漢省○今張家口外察哈爾正黃旗地有延陵故城水經注延鄉水東逕延陵縣故城北

標氏

孟康曰標音權氏音精○今大同府廣靈縣地

且如

中部都尉治後漢省○今張家口外察哈爾正黃旗地有且如故城水經注于延水東南逕且如故城南今名兆哈河

平邑

後漢作北平邑

陽原

後漢省○今宣化府西獨縣地

東安陽

關輿曰五原有安陽故此加東也○今宣化府蔚州地

參合

後漢省○案後趙城注庫池至參合入庫池則其地當在今代州繁峙之間

平舒

祁夷水北至桑乾入沽○今大同府廣靈縣地

代

應劭曰故代國○今宣化府蔚州地

靈邱

遼河東至文安入大河過郡五行九百四十里并州川應劭曰武靈王葬此因氏焉臣瓚曰靈邱之號在趙武靈王之前師古曰瓚說是也遼音寇文音苦侯反其下竝同後漢省○今大同府靈邱縣○余案漢時黃河尙由東北入海故遼河至文安入大河下涑水同

廣昌

涑水東南至容城入河過郡三行五百里并州寧後漢省○今直隸易州屬之廣昌縣

鹵城

庫池水至參合入庫池別過郡九行千三百四十里并州川從河東至文安入海過郡六行千三百七十里師古庫音呼池音徒河反後漢屬雁門○今代州屬繁峙縣之東境

案漢代郡今方望可指者十四縣惟道人馬城高柳平邑四縣無考大約皆在張家口外○今山西省之代州名始於唐乃漢廣武陰館二縣地屬雁門郡與代郡無涉也

漢雁門郡

屬并州秦置勾注山在陰館前漢十四縣後漢亦十四縣省沃陽以善無中陵改屬定襄以代郡之鹵城太原之廣武原平改屬雁門○今山西大同府之大同懷仁山陰陽高天鎮五縣應渾源二州朔平府之三縣一州代州直隸州寧武府之神池偏關五縣三縣北境跨邊口外豐鎮以北太僕寺右翼牧廠察哈爾之正紅旗鎮紅旗鎮藍旗內蒙古西二盟之四子部落地

善無

郡治後漢改屬定襄爲定襄郡治○今朔平府右玉縣之南平魯縣之北約即今威遠堡一帶

沃陽

驛澤在東北有長承西部郡討治後漢省○今殺虎口外寧遠廳迤北察哈爾鎮藍旗地山西北境所食口鹽名曰吉蘭台鹽約即漢志所云沃陽東北之鹽澤今其地屬套西厄魯特阿拉善部

繁峙

師古曰峙音止○今大同府渾源州地今代州屬之繁峙縣乃漢代郡之鹵城太原郡之蓀人兩縣地

中陵

後漢改屬定襄○今寧武府五寨縣地